



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Expositio Cavsarvm Quibus S. R. M. Sveciae bellum à  
Rege Regnoque Daniae sibi illatum, etiam post Pacem  
Roschildiae initam, continuare coacta fuit**

**Coyet, Peter Julius**

**[S.l.], 1658**

Lit. A. Serenissimi Angliae Protectoris Ablegati Philippi Medovii propositio,  
qua nomine Principalis sui mediationem inter Regna Septentrionalia offert.

**urn:nbn:de:hbz:466:1-10534**



Lit. A.

Serenissimi Angliæ Protectoris Ab-  
legati Philippi Medovii propositio, qua nomine Prin-  
cipalis sui mediationem inter Regna Septentrio-  
nalia offert.

**S**erenissima sua Celsitudo Reip. Angliæ, Scotiæ  
& Hybæriæ &c. Protector Dominus meus Clementissi-  
mus accepit literas & etiam scriptum Maj. Vest. quibus  
bellum inter eam & Regem Sueciæ exarxisse significatur.  
De quo se per Majestatem Vestram certiore factam fuisse  
licet in amoris & benevolentia Testimonium interpretetur,  
attamen nullum ingratus nuncium ad eam perferri potuit,  
quam belli inter utrasque has Coronas coorti, præsertim  
cum utraque fœderis atque amicitia vinculo conjuncta sint, eundemque inter se  
religionis cultum profiteantur, quarum vires unita communi hosti terrori essent,  
& protestantium causa non mediocri subsidio; verum in se conversa præter Chri-  
stiani sanguinis profusionem, mutualque clades, Copiarum suarum invicem dimi-  
nutionem, necessum est, ut dictam causam in manifestum discrimen adducant, ma-  
gnoque damno afficiant, potissimum hoc tempore, cum Pontificii in ejusdem per-  
niciem & ruinam magno fere ubique consensu armantur. Et certe nihil optatius  
atque utilius Regi Hispaniæ potuit accidere, quo cum præfatus Dominus meus  
Clementissimus bellum apertum habet, nihilque magis è re & voto Regis Hunga-  
riæ totiusque familia Austriacæ (quod præcipuum pontificiæ sedis columnen est)  
quam quæ nuper erupit hostilitas. Præterea Majestatem Vestram latere non po-  
test, quantum commercii & navigationis libertas necessario hinc turbabitur saltem  
in mari Balthico, magno vicinorum præjudicio, nullius vero majori quam Reipub.  
Angliæ, quæ illarum Regionum mercimoniis ad rem nauticam quotidie indiget:  
Quocirca Serenissima sua Celsitudo ut, quantum in se est, hos graves & funestos  
infelicis hujus belli effectus prævertat, me ad Majestatem Vestram misit,  
qui sincera ejus atque amicissima officia Majestati Vestræ offerrem pro  
componendis litibus & controversiis, quæ inter eam & Coronam Sueciæ inter-  
venere;

A

venere;

2.  
venere; Atq; ejus nomine fidem Majestati Vestrae facerem, quod quantum praefata  
sua Celsitudo apud Regem Sueciae poterit, omnem huic rei impendet operam, ut  
Majestatem Suam in idem studium pacis disponere possit, quem in finem Ablega-  
tum suum Extraordinarium jam ad Eum misit. Quod si haec Serenissima Sua  
Celsitudinis mediatio atque interpositio à Majestate Vestra admittatur, cum om-  
ni æquanimitate atque indifferentia in hoc negotio se geret, nec non serio cona-  
bitur, ut pax hæc quæ favente Deo utrinque restabilienda erit, firmiter atque invio-  
labiliter observetur. Hæc habui à parte Sereniss. suæ Celsitudinis Majestati Ve-  
stræ proponenda, ad quæ maturum Majestatis Vestrae responsum suppliciter rogo,  
ut quid certi de iis ad Serenissimum Dominum meum possim scribere.

Hafniæ. Septemb. 13. 1657.

Lit. B.

## Declaratio Regis Daniae ad Propo- sitionem Ablegati Anglici.

**S**erenissimus ac Potentissimus Daniae, Norvegiae, Vandalorum, Gothorum-  
que Rex, Dominus noster Clementissimus ex propositione iterata Serenissimi  
ac Celsissimi Reipublicae Angliae, Scotiae & Hyberniae Protectoris Nobilif-  
simi Domini Ablegati Extraordinarii Philippi Medovii coram intellexit, quam  
gravi dolore bellum nuper inter suam Reg. Majestatem & Regem Sueciae coor-  
tum sua Serenissima Celsitudo perceperit; quibus argumentis prægnantibus pa-  
cem ac concordiam suadere ac quanto ardore belli infinita incommoda, inter reli-  
gionis communi ac sanguinis vicinitatisque vinculo conjunctissimos Reges, aver-  
tere studeat, suamque mediationem hunc in finem offerat; Et quanquam prædicta  
sua Reg. Majestas Dominus noster Clementissimus has in bello orientes miseras  
mature secum perpenderit & semper summa cura sinceram stabilemque cum om-  
nibus præcipue Regnis vicinis, Amicis ac Confœderatis concordiam ac amicit-  
tiam conservare studuerit, extrema tamen urgente necessitate, post intolerabiles  
inurias ac varia damna illata, spretisque à Suecis æquissimis pacis conditionibus  
ad arma arripienda compulsa, nihilominus in limine belli hoc sibi proposuit, pro-  
ptereaque arma suscepit, ut per illa tam suæ Reg. Majestati quam omnibus acco-  
lis maris Balthici, ad commerciorum & navigationis libertatem sincera tuta ac se-  
cura pax reducat, neque quicquam hæcenus prætermisit, quo tam salutare pacis  
negotium promoveatur. Et cum Serenissima sua Celsitudo singulare quodam studio,  
prudencia & animi magnitudine, suam interpositionem ac mediationem ad componen-  
das has lites & controversias inter hæc regna Septentrionalia offerat, seq; cum omni  
æquanimitate atque indifferentia in hoc negotio gerere velle promittat, Seren. Suae  
Reg.